

## Radunonza communal dils 13 da december 2023

### 1. Beinvegni ed elecziun dumbrauschs

Il president communal beneventa 37 votantas e votants a questa radunonza communal. Dus suprastonts ein ord motivs da sanadad seperstgisai per questa sera. Culs 3 commembers dalla suprastonza ed il scarvon ein 41 persunas cun dretg da votar presentas.

Ils dumbrauschs proponi vegnan elegi unanimamein.

### 2. Gliesta da tractandas

Tier la gliesta da tractandas dat ei neginas menziuns aschia che quella vala sco approbada.

### 3. Protocol dalla radunonza communal dils 19-06-2023

Dil protocol han ins saviu prender investa en canzlia communal. Igl ei vegniu inoltrau neginas protestas a scret. Il protocol vala tenor artechel 25 dalla constituziun da vischnaunca cun quei sco approbaus.

### 4. Damonda dallas Ovras electricas Zervreila SA (OEZ) da renovar la concessiun

*Decisiun: La radunonza decida unanimamein:*

*a) da refusar la damonda dalla Ovras electricas Zervreila SA dils 8 d'avrel 2021 per ina prolungaziun dalla concessiun currenta;*

*b) da comunicar alla petenta che la vischnaunca ei buca promta da renovar la concessiun.*

### 5. Damonda da credit per il remplazzament d'in vehichel da pumpiers

*Decisiun: La radunonza approbescha unanimamein il credit brut sur frs. 110'000.- per il remplazzament dil vehichel da pumpiers.*

### 6. Preventiv 2024/25 Consorzi da scola LFSS

*Decisiun: La radunonza approbescha unanimamein il preventiv dil consorzi da scola pigl onn da scola 2024/25.*



**7. Preventiv 2024**

*Decisiun: La radunonza communal approbescha unanimamein il preventiv dil quen da gudogn e sperdita pigl onn 2024.*

*Decisiun: La radunonza communal approbescha unanimamein il preventiv dil quen d'investiziun pigl onn 2024.*

**8. Fixar pei da taglia 2024**

*Decisiun: La radunonza communal decida unanimamein da schar il pei da taglia sco tochen dacheu sin 80 % dalla taglia cantunala semplla.*

**9. Fixar pei da taglia sin schischom 2024**

*Decisiun: : La radunonza communal decida unanimamein da schar il pei da taglia sco tochen dacheu sin 1.5 %.*

Il president communal siara la radunonza allas 21:45.